

Malenica: Neuspjesi naših političara više nikog ne iznenađuju

B. A.

04/12/2013 12:34:00



Sastanak u Pragu / Vijesti.ba

SARAJEVO - Neuspjeh političkih lidera da nađu rješenje za implementaciju presude Evropskog suda za ljudska prava u predmetu "Sejdić-Finci" više nije vijest, ocijenila je danas u izjavi Feni, nakon posljednjih razgovora u Pragu, analitičarka Istraživačkog centra Populari Vesna Malenica.

"Neuspjesi naših političara više nikog niti iznenađuju niti uzbuđuju. Suvišno je više komentirati nedostatak rezultata nakon sedam neuspjelih sastanaka na kojima se s komesarom Štefanom Füleom i predstavnicima EU raspravljalo samo o ovoj temi u posljednjih godinu i po dana", kazala je.

Smatra da i građani, ako su prije tri-četiri godine bili, više nisu zainteresirani za ovu temu.

"Nema konkretnih rezultata. Konkretan rezultat je dogovor koji je ozvaničen potpisivanjem sporazuma. Sve ostalo je provizorno ili uvjetno, kako je i sam Füle ocijenio tzv. dogovor u Pragu na konferenciji za novinare", rekla je Malenica.

(FENA)